

新纂雲南通志卷九十五目錄

金石考十五

後期四

元

待訪

建水文廟聖旨碑

太華寺祀田記碑

新建仁德府廟學記

圓濟蘭若碑

增建大圓濟宮碑

佛都二大字

証道歌石刻

新纂雲南通志

卷九十五 金石考十五 目錄

安寧文廟碑

都不花摩崖

曲陀關元帥府碑

湧金寺碑

重修高崙岡記

學田摩崖

碧雞山碑

至正二大字石刻

變理翰碑

重修土主廟碑

平章碑

宣光年號甄瓦

帝師碑

普花石刻

埜喇墓碑

高泰墓碑

段文瑞墓碑

楊福卿墓碑銘

普魯海牙墓碑

永豐墓碑

筇竹寺二僧碑

河納縣碑

新纂雲南通志

卷九十五 金石考十五 目錄

石屏土主廟功德碑

大寺碑

大雲寺舊碑

中阿山銘石

青蓮碑記

梵文經咒刻石

飛來寺塔記

古碑

新纂雲南通志卷九十五目錄

金石考十五

後期四 元

待訪

建水文廟聖旨碑

追封孔子聖旨碑至大元年立在建水縣文廟內高五尺餘

見建水縣地志資料

按此碑今當存惟未獲拓本碑所刻當即武宗加號大成至聖

文宣王聖旨旨行天下臨安路廟學立石也臨安廟學之始景

泰雲南志卷三曰元時平章王維勤所創

李元陽雲南通志卷八同

而不言其年

惟筇竹寺雄辯法師碑至大三年立雲南行省平章政事汪惟

勤篆蓋則至大元年惟勤已任雲南平章創建臨安路學此聖

旨碑亦或為惟勤所立也

太華寺祀田記碑

按此碑在昆明西山太華寺以延祐二年立鄭子健滇遊記及

昆明市志並著錄今當存惟數訪未獲

新建仁德府廟學記

鄧麟王止菴墓誌銘曰銓仁德府儒學教授既上新廟學記文

立石

按仁德府明改尋甸府王止菴任仁德府教授在延祐七年是

時仁德府已有儒學也惟張志淳創建尋甸府廟學記曰弘治

乙丑巡撫雲南都御史陳金固嘗以建學得請於敬皇帝固嘗

銓官錫篆也會丙寅改元

按正德

雲南布政使周宏上言尼之事遂

寢乃以丙子之冬爲殿廡門堂齋舍別爲神廚爲祭庫而官師之居諸生之學舍四向而攢集焉未言元已有廟學蓋僅敘明代廟學始末未必元無廟學也

圓濟蘭若碑

碑在圓濟宮天歷二年己巳七月既望比丘雪庭普瑞撰文滇海

苾芻念菴圓護行書

見道光雲南通志卷一九六金石門

按道光志注曰文見寺觀惟寺觀志不載此文亦未見於他書近年大理趙繼曾遍訪此碑未獲不識尙存否 新建華亭寺碑曰玄通法師未開山之前憩寶洞山雪庭法師之丈室按華亭寺啟建於至治二年距天曆僅七年則此雪庭爲撰碑之雪庭普瑞第不識寶洞山在何處也

新纂雲南通志

卷九十五

金石考十五

後期四

元

待訪

增建大圓濟宮碑

碑在圓濟宮至順三年辛未正月十九日承事郎蒙化州知州段

信苴義立石藥山后人趙良撰文圓護行書

見道光雲南通志卷一九六金石門

按道光志注文見寺觀惟寺觀志不載此碑文至順三年當爲二年之誤段義亦見蒙化州志趙良未詳

佛都二大字

崇聖當之重器五曰証道歌佛都扁証道歌二碑佛都二大字爲寺僧圓護手書其用筆與趙孟頫同一三昧爲世所珍世傳護右手自肘至腕洞澈如水晶然則筆之精妙殆非偶然

見李元陽崇聖寺重器可寶者記

按此二字嵌壁中不知今尙存否葉榆十六景有鐘震佛都因崇聖寺有建極年造鴻鐘故稱之 圓護書碑圓濟宮二石及

証道歌惟李源道撰崇聖寺碑猶存筆法精妙謂腕如水晶者則附會也

証道歌石刻

玉手碑在大理府瑞鶴觀僧念菴書今存証道歌刻石四片念菴右手自腕至掌明如玉號玉手見劉文徵滇志卷三古蹟志

按亦見康熙雲南通志卷十九又黃元治蕩山志曰玉腕碑在普賢山山庵為段氏建元至正間圓護禪師住錫於此為立石

記從道光雲南通志引李元陽謂証道歌二碑劉志曰四片今已不存演釋記

念菴圓護禪師傳曰大理人因讀証道歌契入段氏稱為弘辯大師

安寧文廟碑

新纂雲南通志

卷九十五 金石考十五 後期四 元 待訪

三

元大德六年重建學宮櫺星門左有碑係至元十四年丁丑宣威

將軍達魯花赤當道閣增建記見康熙雲南府志

按雍正安寧州志卷七學校志曰元成宗大德壬寅始建州學

注廟門有碑又曰先師廟元大德壬寅年創建至元丁丑宣威

將軍達魯花赤當道閣重修然志不載碑文而安寧廟學創於

大德重修於至元則至元丁丑者當為元惠宗至元三年非元

世祖至元十四年明也康熙雲南府志以為至元十四年者誤

道光光緒雲南通志從之非也

都不花摩崖

道光雲南通志曰思茅元碑在整控江西岸大元二年遣將都不

花統軍招降勒碑石壁字多漫滅惟國號年月可辨

按元史本紀至正元年十二月壬戌南車里塞賽力等反詔雲南行省平章政事脫脫木兒討平之則征車里應在至正二年又按元史卷一四一太不花傳曰以世胄入官界遷雲南行省右丞太不花官雲南應在至正初年疑都不花即太不花所謂大元二年者大元致正二年奪至正二字也整控江即瀾滄江一名九龍江流經思茅西南

曲陀關元帥府碑

元帥府在河西縣北三十里夷名曲陀關又曰萬松營元至元二十年建皇慶延祐間人物繁盛市肆輻輳泰定乙丑建學至正壬午述律杰元帥立臥龍祠武安廟後因兵燹遺石碑故址種桃至今成林

見劉文徵漢志卷三古蹟志

新纂雲南通志

卷九十五

金石考十五

後期四

元待訪

四

按李元陽雲南通志卷二曰元帥府在河西縣北三十里元時建有石碑疑所謂石碑者即劉志所記之石碑而劉志紀事即據碑文不審文即爲述律杰撰否至正壬午即至正二年時述律杰宣諭車里也

湧金寺碑

通海秀山湧金寺元元帥述律杰爲文刻諸石

見王景常重修湧金寺記

按此碑未獲訪惟王景常述寺之緣由即據碑文當親見之述律杰出臨安征車里在至正初年作此碑文或在其時也

重修高崙岡記

明騰越鄭邦誥高崙岡証訛曰嘉靖三十八年遙聞洞吳警乃於岡隘分水嶺關掘土得石碑云重修高崙岡記元至正時雲南諸

路儒學副提舉止齋王□撰惜殘缺無全文

按鄧麟元宣慰副使止菴王公墓誌銘曰充雲南諸路儒學提舉充秋闈彌封官董治大理永昌麗江鶴慶姚安威楚諸路學庠所至廟宇一新復學田一千四百九十雙皆磨崖紀之王止菴任雲南諸路儒學提舉始自至正元年止菴名王昇且曾至大理永昌則高崙岡記至正時雲南諸路副儒學提舉止齋王□撰者疑即王昇所作昇號止菴此作止齋者菴齋二字通用乃常見之例也又儒學提舉此作副提舉者或初任副提舉也昇以至正十二年調曲靖宣慰副使此以前任鎮南州知州故疑任儒學提舉自至正元年至十年則高崙岡記當作於至正元年至十年之間也

學田摩崖

鄧麟王止菴墓誌銘曰充雲南諸路儒學提舉充秋闈彌封官董治大理永昌麗江鶴慶姚安威楚諸路學庠所至廟宇聖像一新復學田一千四百九十雙皆摩崖紀之

按王昇任雲南諸路儒學提舉始自至正元二年間後官鎮南州知州至正十二年陞曲靖路副宣慰使則學田摩崖當刻於至正二年至十年之間

碧雞山碑

景泰雲南志卷一雲南府山川碧雞山曰按王昇碑勒以爲昔有碧鳳翔翥于此訛爲碧雞因以名山理或然也

按樊綽雲南志卷二曰碧雞山在昆池西岸上與拓東城隔水

相對是唐代已有碧雞山之名漢書地理志青蛉禺同山有金馬碧雞乃謂金形似馬碧形似雞且其地在今大姚而後世鑄王褒碧雞頌於碧雞山麓又有謂阿育王長子至滇池忽碧鳳呈祥誤爲碧雞云云王昇即從此說蓋以山名碧雞而附會之也

至正二大字石刻

鄧麟至正橋記曰岳公手扁至正四大字顏其兩楹焉

按至正橋成於至正十二年岳柱時爲雲南行中書省平章政事新元史平章政事表有咬住疑咬住即岳柱岳柱畏兀氏名音字也

變理翰碑

新纂雲南通志

卷九十五 金石考十五 後期四 元 待勅

六

變理翰蒙古人元進士任雲南儒學提舉至正二十三年明玉珍兵寇雲南當城陷之日慷慨自縊有碑在雲南郡庠

見景泰書南寧志一

按支渭興中慶路增學田記曰今年按至正十九年秋渭興忝校藝雲南

事既祇謁學宮提舉變理翰教授尹具瞻暨諸儒合辭請記其

事按增置學田事於石云云則變理翰爲儒學提舉所謂有碑者爲變理

翰所撰抑後人記變理翰死事以曾官儒學立石於郡庠也

重修土主廟碑

重修土主廟碑在雲南府城中宣光二年立僉雲南諸路肅政廉

訪司事邵陽支渭興撰

見劉文徵滇志卷二

按南詔野史卷下段寶傳曰梁王僞號宣光十九年中慶路土主廟傾損梁王捐貲重修立碑記即謂支渭興撰文碑野史誤

宣光元年事爲宣光十八年則十九年者即宣光二年也元土主廟明清仍之今改華山小學數訪碑於其地未獲也

平章碑

平章碑在大理府城西北蒼山應樂峯元學士支渭興撰文劉文徵撰志卷三古

蹟志

按此碑未獲訪明嘉靖壬戌李元陽刻平章風月碑於其處詳見遺光

雲南通志卷二三五不識即爲段功立否

宣光年號甄瓦

羅次古城白城內有聖化寺康熙五年重修此寺甄瓦上有宣光

字乃元順帝太子立於應昌年號也見乾隆雲南通志卷二十六古蹟志

按李元陽雲南通志卷十三曰聖化寺在羅次縣東北二里習

新纂雲南通志

卷九十五 金石考十五 後期四 元 待訪

七

儀即之不言建自何年梁衍祚聖化寺碑記亦不言其始宣光年爲重修抑創建不得而知也

帝師碑

元帝師碑在澂江府治東陽溥山見李元陽雲南通志卷三澂江府古蹟

按亦見劉文徵滇志以下諸本雲南通志惟未獲訪所謂帝師當爲釋氏雄辯法師碑告於帝師者是也此碑文蓋有關帝師故稱之李志卷十二曰普照寺在陽溥山慈應寺在普照寺北金蓮寺在陽溥山則陽溥山多名刹不識此碑在寺中否

普花石刻

普花四川成都人元時任臨安宣慰司同知存心忠厚蒞政嚴明

邇安遠肅雖歷世而石刻尤存見景泰雲南通志卷二臨安府名宦

按元史地理志臨安廣西元江等處宣慰司兼管軍萬戶所屬臨安路廣西路元江路設宣慰使於臨安又本紀至元二十二年九月戊辰立臨安廣西道宣撫司是年張立道爲宣撫使見立道傳又至順二年五月己丑置臨安元江等處宣慰司兼管軍萬戶則設臨安宣慰司在至順二年普花爲宣慰司同知亦應在此時以後然不能詳其年也

埜喇墓碑

元右丞相埜喇墓碑在河陽縣闕摩山半坳有墓碑

見澠江府志

按埜喇墓李元陽雲南通志已載之惟不言有碑又稱埜喇爲右丞與府志之右丞相異不識府志確有本否 埜喇事蹟不獲詳考李志卷十二錄澠江華藏寺詩

新纂雲南通志

卷九十五

金石考十五

後期四

元 待訪

八

高泰墓碑

騰衝府知府高泰墓在龍鳳山墓廢有碑甚大輪爲八觚題曰威武將軍騰衝府知府高泰質性清廉明遠夫人段完貞之墓今碑及望柱悉仆於地

見李元陽雲南通志卷二

按亦見劉文徵滇志卷三元史地理志騰衝府曰元憲宗三年府酋高救內附又卷一三八脫脫傳曰至元十五年三月詔流脫脫于雲南大理宣慰司鎮西路脫脫行至大理騰衝知府高惠見脫脫欲以女事之云云知高救高惠高泰爲世襲知府惟其事蹟並不獲詳考高泰何時人亦不獲知也

段文瑞墓碑

臨安路總管段文瑞墓在澠江城東重珠山墓碑尙存

見澠江縣志卷二

按李元陽雲南通志卷三曰臨安路總管段文瑞墓舊在回龍山南後遷重珠山不言有碑以後通志亦無墓碑之說不識地志資料確有本否景泰雲南志卷二正德雲南志卷二十一李元陽雲南通志卷十一並有段文瑞傳惟曰元時人不詳其年代

楊福卿墓碑銘

楊福卿墓在江川路左村碑銘尙在

見澂江府志

按楊福卿爲何許人不獲考道光雲南通志金石門錄此碑於元代姑從之

普魯海牙墓碑

普魯海牙墳在路南城外紫玉山頂其墓碑係青石作□形字跡

新纂雲南通志

卷九十五

金石考十五

後期四

元

待訪

九

完全不可辯認蓋元時之古塚也

見路南縣地志資料

按普魯海牙碑不見前人紀錄字跡莫辨難知何時人惟爲蒙古名則元時沒葬於其地者

永豐墓碑

蒙自縣城西三十里永豐店有元代墓碑

見蒙自縣採訪

按碑今存惟採訪甚略不識何年所立且不知爲何人墓也

筇竹寺二僧碑

徐霞客滇遊日記崇禎十一年十一月初七日至筇竹寺記曰步殿後循堦而西北則寺後上崖復有坪一方其北崖環抱與南環相稱此舊筇竹開山之址也不知何時徙下其處後爲僧塋有三塔皆元時者三塔各有碑猶可讀讀罷還寺

按三塔即立堅雪菴及其他二僧今僅存雪菴碑餘二碑已佚復有一碑爲明景泰四年所立黃龍菴主無相墓誌銘疑此爲後始移置者然餘二僧碑則不得而知也

河納縣碑

陸涼州南四十里元初置河納百戶後改爲縣今有碑存焉見陸涼州志

按元史地理志河納縣隸陸涼州明史地理志曰永樂初廢至今爲陸良縣地河納古碑當元時物惟不識其碑所記者何事也

石屏土主廟功德碑

土主廟功德碑在石屏縣城土主廟元人所立碑小字細未盡明

瞭見石屏縣地志資料

按近年新修石屏縣志未載此碑地志資料以爲元人立者不知有本否 又地志資料載白馬寺後石壁間刻洞口長春四大字元初李仁君書刻惟新修石屏縣志卷十五金石志浴華山元石洞口長春三條下曰以上皆摩崖刻工最深土苔剝落字跡可辨管志曰出庠生李仁君手書李不知何時人也考石屏立庠在洪武後故列之明初云云則李仁君或爲元末明初人石刻無年月難斷爲何時作附說於此

大寺碑

張志淳南園漫錄卷十曰郡城按永昌西北五里許俗名大寺山寺廢

無子遺矣成化弘治間掘得其碑甚宏麗然皆懼其所載碑陰藏

按常字之誤

住田畝財貨之繁恐鎮守者因而生事輒碎之

按大寺即棲賢山報恩寺蓋其寺宇宏大俗以大寺呼之景泰雲南志金齒軍民指揮司寺觀不載天順大明一統志曰棲賢山在金齒軍民指揮使司城北四里舊有棲賢寺是景泰天順間寺已燬張志淳以爲燬於思倫法之亂則在洪武二十年是時明兵平滇才五年知碑之立當在元代又南園漫錄所載泰定三年棲賢山報恩梵刹記稱蘇慶於延祐元年重修則前已有此寺李元陽雲南通志卷十三曰報恩寺在棲賢山南蒙氏時建然此碑因載常住田畝恐生事而碎之則年代距成化弘治不甚遠故疑爲重修寺宇後所立在泰定年間或更在其後也

大雲寺舊碑

新纂雲南通志

卷九十五

金石考十五

後期四

元待訪

一一

華嚴寺在安寧州南舊三泊縣一名大雲寺元僧大雲建明正德中僧古庭寓其內夢大士告曰木墀樹下有碑試掘之果得大雲

舊碑

見乾隆雲南通志

按李元陽雲南通志卷十三寺觀志曰大雲寺在三泊縣南四十里不言何年始建大雲爲何許人亦不獲知古庭善堅禪師演釋記有傳卒於弘治六年七月二十日則謂正德中得碑者或紀年誤也

中阿山銘石

正德初土民於中阿山耕田得一石方可一尺厚寸許上有銘曰襟滄出於錫河爲崑崙山冢子厥名曰中阿下尙有十餘字皆剝落難曉但不知江帶何代何人也

見李元陽雲南通志卷四順甯府古蹟

按此事亦見劉文徵滇志卷三中阿山在順寧府治西十五里奇峯秀嶺茂樹清泉環鬱可愛以中阿名蓋出土語刻此銘紀山之勝然不審爲何時物也 景泰雲南卷六騰衝司山川曰高黎共山本名崑崙岡夷語訛爲高良公此所謂崑崙山即高黎共山中阿山爲高黎共山之一支以崑崙名者或爲明以前稱也

青蓮碑記

記曰東煙羅西金秀南青蛉北曲折見徐霞客滇遊日記五

按徐霞客以崇禎十一年十二月十三日至姚安府城歇青蓮菴記此碑不言何年所作姑次於元代

梵文經咒刻石

新纂雲南通志

卷九十五 金石考十五 後期四 元 待訪

一一一

彌勒山殘碑

高一尺廣一尺六寸橫十六字直八字梵文今在鹽興縣彌勒山

保山經刻

高一尺六寸廣二尺橫書十三行行十八字側刻佛頂羅等字一行今在保山縣

安寧梵字碑

安甯州虎邱山因山巔有石虎頭背一神僧立此碑鎮之 見雲南府志

按元代雲南盛行阿闍黎教墓碑多鐫梵文經咒有附刻墓誌銘或紀念死者之語亦有不刻漢字者今在大理附近數縣所謂達子墳者累累多刻梵文經咒薦死者若盡收之當數千件然各縣採訪不周且因無漢字不爲重視而此等元墓多無人奉祀自民國以來時爲村愚毀壞也

飛來寺塔記

高三尺廣一尺六寸十三行行二十二
字今在鳳儀縣飛來寺刻西藏文

按飛來寺在大理鳳儀驛道旁景泰雲南志卷五曰寺為蒙氏時建雖不可必惟知明以前已有此寺塔亦當明以前物塔上刻記為西藏文不審其詳亦不知何年作也

古碑

石刻有字跡莫辨或紀錄甚略不知其年代者道光雲南通志附載於元代茲仍從其例而列舉之如次

仙碑

乾隆雲南通志古蹟志曰在鎮雄州北火頭壩口篆文甚古明黔撫郭子章曾遣人摹數本去鎮雄州志曰土人遇旱禱之輒

新纂雲南通志

卷九十五 金石考十五 後期四 元 待訪

一三

應康熙間為烏賊王成龍所碑

昆陽碑

雲南府志曰昆陽州西一百二十里有古碑舊城

巨掌石碑

鶴慶府志曰劍川州中山南二里有峻崖名金雞棲石上有巨人掌跡如箕旁有碑文年久剝落

雪山碑

道光雲南通志曰麗雪山西側一低峯巔有古碑長四尺許其文隱約如岫嶁體峯陰即神禹斧鑿跡又有古錢數十枚如鵝眼散布碑下自來未曾增減人不敢取未知何代物也

阿打克山石碑

開化府志曰碑在阿克山下旁有井字跡磨滅難辨
春塲碑

蒙自縣志曰碑在縣東春塲左側歲旱以牝豬祀之輒應昔有
亭今廢碑存